

責備賢者

叙曰

今人注意政界尙已今我國民爲主人若人人有道德心責任心則天下治況地方各團體代表乎若前之運動惡劣趨利避害假公濟私魚肉鄉里者無論矣今尙不洗心革面仍窟宅其間爲社會蠹吾人當口誅筆伐以懲之故附社蠹錄以待惟願無合格者則幸矣至私人攻訐不與焉

粵人提議驅逐鍾榮光之議案

江北學會同人李幹生等以教育司長鍾榮光政策多乖教育議會請提議糾舉其函云列位代議先生足下前官廳欲解散省會權廢人民監督機關經派代表入都彈劾深快人心現在各縣會議多未成立正式議會選舉法又未奉行全省法定機關僅賴有臨時省會所望諸先生鼎力維持爲全粵造福惟近來有無知妄作之教育司鍾榮光公然敢毀棄中國二千年來尊崇之聖教謬妄旣極何堪認爲司長又視學校教育無足輕重專意社會教育尤爲顛倒誤謬蓋社會教育不過補助教育可見鍾榮光全然不知學務爲何物當學務爲兒戲所發表政見如演白話戲影畫戲及招考烹調教

員之類無非縱耳目口腹之欲者實足貽學界之累又倡言改良社會以行一夫一妻之制爲第一義斤斤於牝牡關係尤爲可鄙世間有富而多妻者有貧而無妻者貧富不均配偶因之不均鍾榮光不能爲社會均貧富其能爲社會均牝牡乎尤可見其胡塗昏聩又以祠廟牌匾旗杆爲教育大障礙呈請出示銷毀可笑已極豈無牌匾棋杆廣東教育進步遂可一日千里乎此等呵牆罵壁之見直孩子耳何能充司長且肆口書罵曰僞名曰穢職有如村婦詬語又渾妄自己之僞穢居然僞穢人之祖宗狂悖孰甚此種妄誕之夫亟應屏諸四夷不與同中國者乃任爲教育司長何吾粵無一人一至於此深爲吾粵羞之聞其身入外教雖信教自由個人私事而任異教之徒而污我孔教無異引狼自衛北江學界誓不承認應請貴會從速糾舉驅逐出境毋令遺穢學界並遺穢廣東不勝翹盼北江學會同人李幹生黃玉書蕭佐卿徐貢閣白少雲譚逸夫王郁香黃子屏全啟介紹人鄭王符王連溥省會得書即發交審查會審查會查得鍾教育司受任以來種種政策諸多乖謬舉其大端則以取銷尊孔爲最其實無教育資格應即提議公決云云

軍界討議員谷鍾秀吳景濂殷汝驪等佈告